

Kalendari Ngritja e Kampionëve Shkurt 2019

1. Jezusi tha: "Lum ata që janë paqebërës" (Mateu 5: 9). Lutuni që, nëpërmjet fuqisë së Shpirtit të Shenjtë, burrat të sjellin paqe dhe qetësi familjeve të tyre dhe jo grindje.
2. Fëmijët kanë nevojë për shembuj se si të përballen me një botë sfiduese. Lutuni që baballarët do të tregojnë paqen që vjen nga mbajtja e mendjes së tyre të përqendruar te Perëndia. (Isaia 26: 3)
3. Lutuni për burrat e divorcuar. Lutuni që ata të jetojnë në paqe me të gjitha palët e prekura nga divorci. (Romakëve 12:18)
4. Burrat punojnë shumë për të mbështetur dhe për t'u kujdesur për familjet e tyre. Lutuni që ata t'i besojnë Perëndisë mjaftueshëm për të balancuar ngarkesën e punës me pushimin aq shumë të nevojshëm. (Psalmi 4: 8)
5. "Zoti të kthejë fytyrën e tij mbi ty dhe të të sjellë paqe!" (Num 6:26). Lutuni sipas këtij vargu për burrat, baballarët dhe gjyshërit që po luftojnë për të gjetur paqen.
6. Zot Jezus, ka raste që unë jam i tunduar të zemërohem, dhe nganjëherë me të vërtetë acarohem. Ka momente kur veproj duke bërë diçka lënduese dhe të urrayer, por që kurrë nuk zgjidh asgjë. Prandaj, i refuzoj veprimet e tilla trupore. Unë besoj që Ti do më ndihmosh të përgjigjem në rrugën e drejtë - në drejtësinë e vërtetë. Faleminderit për hirin që të përmbush qëllimet e tua të drejta pavarësisht nga çfarë ndodh. (Jakobi 1:20)

7. I dashur Zot, unë jam mirënjohës sepse, që kur pranova Krishtin në jetën time, burimi i të gjithë mirësisë tani banon në mua. Fjala jote thotë që unë duhet të jem mirënjohës. Kështu që unë të jam mirënjohës që je forca ime, durimi im, paqja ime dhe çfarëdo tjetër që kam nevojë. Kjo mirënjohje është shprehja ime e besimit që Ti në mua do të përmbushësh çdo gjë që është e nevojshme përmes meje. (Filomeni 1: 6)
8. Zot Jezus, ti je burimi dhe furnizimi i të gjitha nevojave të mia. Prandaj, me besim besoj se Ti do të bësh atë që është e nevojshme për mua. Duke qene se je besnik, unë e di se ndërsa unë besoj te Ty që punon në mua, do të shoh veprat e Tua të realizuara nëpërmjet meje. Ti do të plotësosh nevojat e mia, do zgjidhësh problemet e mia dhe do t'u përgjigjesh lutjeve të mia. Faleminderit që më lejon të shoh mirësinë tënde në botën e të gjallëve. (Gjoni 11:40)
9. O Zot, ka shumë gjëra të frikshme që ndodhin rreth meje. Por pastaj unë shoh tek Ty , Perëndia i plotfuqishëm, dhe më kujtohet se asgjë nuk është shumë e vështirë për Ty. Ti je forca ime, mburoja ime dhe mbrojtësi im. Ti më ke thënë të mos kem frikë, por vetëm të besoj. Kështu që unë besoj që Ti do më mbrosh dhe do të më udhëzosh nëpër këtë botë të rrezikshme. (Marku 5: 35-36)
10. Për shkak se burrat nga natyra janë praktikë dhe përqendrohen në sfidat e menjëhershme të jetës, ata shumë lehtë e mbingarkojnë veten me punë dhe kthehen në shtëpi të lodhur. Lutuni që ju të dini se si t'i vendosni prioritetet tuaja dhe të zbatoni

këshillën e Shpëtimtarit: "Por para së gjithash kërkoni mbretërinë e Perëndisë dhe drejtësinë e tij dhe të gjitha këto gjëra do t'ju shtohen." (Mateu 6:33).

11. "Shumë njerëz shpallin mirësinë e tyre; por kush mund të gjejë një njeri besnik?» (Fjalët e Urta. 20:6). Lutuni që Perëndia të ndërtojë në ju një burrë me karakter që e do Zotin me gjithë zemër dhe që është i besueshëm, i përkushtuar ndaj së vërtetës dhe një udhëheqës i vërtetë shërbëtor në shtëpinë e tij.
12. Lutuni që Krishti të jetë i pari në jetën tuaj. Jini të vendosur të qëndroni në Të duke u bindur urdhrave të tij. Atëherë do të jeni në gjendje të mbani frytet e Shpirtit të Shenjtë dhe të jeni një bekim për familjen dhe miqtë tuaj. (Gjoni 15: 16-17)
13. Vetëm pushoni për një çast në praninë e Perëndisë dhe lutuni me psalmistin: "Ti më ke hetuar, o Zot, dhe më njeh. Ti e di kur ulem dhe kur ngrihem, ti e kupton nga larg mendimin tim" (Ps 139: 1-2).
14. Të qenit besnik dhe i bindur ndaj Fjalës dhe parimeve të Perëndisë është kundër-kulturës sot dhe kërkon guxim dhe gatishmëri për të qenë i keqkuptuar. Lutuni që do t'i zbatoni ato çfarë pret Perëndia në jetën tuaj në përputhje me Mikea 6:8, "O njeri, ai të ka bërë të njohur atë që është e mirë; dhe çfarë tjetër kërkon Zoti nga ti, përveç se të zbatosh drejtësinë, të duash mëshirën dhe të ecësh përlulesisht me Perëndinë tënd?"

15. Konfirmoni para Perëndisë se ju do të jetoni në përputhje me vullnetin e tij. "*Ti e shqyrton me kujdes ecjen tonë dhe pushimin tonë dhe i njeh thellë të gjitha rrugët tona. Sepse, edhe para se të jetë fjala mbi gojën tonë ti, o Zot, e di atë plotësisht.*"(Ps 139: 3-4).

16. Falënderojeni Zotin për kujdesin e tij të dashur në jetën tuaj. "Ti na rrethon nga pas dhe përpara dhe vë dorën tënde mbi ne. Njohja jote është shumë e mrekullueshme për ne, aq e lartë sa ne nuk mund ta arrijmë." (Ps 139: 5-6).

17. Lejoni të vërtetën e gjithëdijes së tij të futet tek ju në një moment. "Ku do të mund të shkonim larg Frymës sate, ose ku do të mund të iknim larg pranisë sate? Në rast se ngjitemi në qiell, ti je atje; në rast se shtrijmë shtratin tonë në Sheol, ti je edhe aty. Në rast se marrim krahët e agimit dhe shkojmë të banojmë në skajin e detit, edhe aty dora jote do të na udhëheqë dhe dora jote e djathtë do të na kapë."(Ps 139: 7-10).

18. Ndani me Zotin mendimet tuaja më të thella. "Në qoftë se themi:" Me siguri terri do të më fshehë," madje edhe nata do të bëhet dritë rreth meje", terri vetë nuk mund të të fshehë asgjë, madje nata shkëlqen si dita; terri dhe drita janë të barabarta për ty"(Ps 139: 12).

19. Falënderoni Zotin që ju jeni kryevepra e tij. "Po, ti ke formuar të përbrëndëshmet e mia, ti na ke endur në barkun e nënës sonë. Ne do të të kremtojmë, sepse jemi krijuar në mënyrë të mrekulluar; veprat e tua janë të

mrekullueshme, dhe ne e dimë shumë mirë këtë gjë."(Ps 139: 13-14).

20. Adhuroni Zotin për sovranitetin e tij. "Kockat tona nuk ishin një e fshehtë për ty kur u formuam në fshehtësi duke u endur në thellësitë e tokës.Dhe sytë e tu panë masën pa trajtë të trupave tanë, dhe në librin tënd ishin shkruar ditët që ishin caktuar për ne, megjithëse asnjë prej tyre nuk ekzistonte ende."(Ps 139: 15-16).

21. Falëndero Zotin për hirin dhe dashurinë e tij. "Oh, sa të çmuara janë për ne mendimet e tua, o Perëndi! Sa i madh është gjithë numri i tyre! Po të donim t'i numëronim, do të ishin më të shumtë se rëra; kur zgjohemi jemi ende me ty. "(Ps 139: 17-18).

22. Ejani te Perëndia me nënshtrim të përlulur. "Na heto, o Perëndi, dhe njihe zemrën tonë; na provo dhe njihe mendimet tona dhe shiko nëse ka tek ne ndonjë rrugë të keqe dhe na udhëhiq nëpër rrugën e përjetshme." (Ps 139: 23-24).

23. Nëse doni që fqinjët ose kolegët tuaj të jenë në qiell me ju një ditë, lutuni që Perëndia t'ju tregojë se si mund t'ua jepni ftesën e Tij për të pranuar Krishtin. (Jakobi 1: 5)

24. Nëse i kërkoni Jezusit të vizitojë fqinjin tuaj, jini të vetëdijshëm se Zoti ynë mund t'ju kërkojë të shkoni në emër të tij. Ju, dhe çdo ndjekës tjetër i Jezu Krishtit, jeni duart dhe këmbët e tij në botë derisa ai të kthehet. (Luka 12: 2)

25. Jezus Krishti dha jetën e tij për ju në Kalvar. Por ka edhe më shumë në këtë ngjarje: Ai u ngrit përsëri nga varri për të jetuar brenda dhe përmes meje jush. Lutuni që Jezusi gjithmonë do të jetë i dukshëm në jetën tuaj. (Gal 2:20)

26. Kur një gomar refuzon të pijë ujë, ekziston një zgjidhje e mirë: Gjeni një gomar që ka etje, dhe lëreni atë gomar kokëfortë të shohë një gomar tjetër sesi pi ujë. Duke parë gomarin e etur duke pirë, ai që u tregua kokëfortë do të tundohet për të provuar të pijë gjithashtu. Lutuni sot që marrëdhënia juaj me Krishtin (uji i gjallë) do të ketë ndikim të ngjashëm tek njerëzit me të cilët ju ndërveproni. (Mateu 5:16)

27. Kur zhgënjimet dhe rrethanat e vështira kërcënojnë t'ju trondisin, mbani mend se Perëndia ka bërë gjëra të mahnitshme për ju - dhe për të gjitha qeniet njerëzore. Besojini Atij,lavdërojeni dhe e falënderoni Atë! (Ps 105: 1-2)

28. Falënderoni Zotin për privilegjin dhe lirinë për të dëshmuar për Të me fjalë dhe vepra. Në mbi 50 vende, të krishterët po përndiqen për shkak të besimit të tyre. Lutuni që ata të gjejnë ngushëllim dhe forcë në Zotin dhe që Perëndia të hapë zemrat dhe mendjet e persekutuesve të tyre ndaj hirit dhe dashurisë së Perëndisë. (Mateu 5:44)